

Олн таасцхав

Эн джил болх КПСС-н ЦК-н Пленум болн Алдр Октябрин 42 жилин өөн уктдэ, Хальмг государственн драматическ театр бий деерән даалгъвр авла. Тер учр деерас, Хальмг республикин культурин Министерствин зааврас иштэгъяр Яшкульск, Черноземельск, Каспийск болн Юстинск райодар наад үзүлх зөвтә бәәсмн. Үзүлх зөвтә нааднь—хальмг наадн бичәч Баснъга Баатрин «Кенз байн» гидр комедий болн осетинә бичәч үүрмүд Р. Хубецован, Г. Хугаевин «Софийин дун» гидр шог наадн. Нааднд оршдэ гастрольд йовсн артистнр: РСФСР-н ачта артист Манджин Э-Г., Хальмг АССР-н ачта артистнр Мемән Бембә, Эрднин Борис, театрин артистнр Бальбака Б., Баденә Н., Русака Е., Наржан У., Арма-

на А., Энән Н., Омакан У., Сусука У. болн Лиджин Н.

Райодт цугтаднь наадн үзүлгдв. Наад үзүлсн асхи болгън, олн мана совхозин, колхозин ачта, күндтә малчнр, хөөчнр, малин халхин олн цергләчнр, театрин артистнрт ик ханлт өргцхәв. Ханлтан газетәр, радиогъар дамджулдэ чигн күргцхәв. — Эн цагин кишгт багтад, эврә келәр, кезәнк хуучна хувци-хунр үмөсн үрн-саднаннь үзүлсн наад хәләсн — манд ямаран ик байр, — гидж көгшәс байрлцхана.

Ода мана артистнр ноябрин 4-н күртл Приозерн, Целинн, Сарпинск райодур одцхав. Эн райодт май, июнь сармудт одхд, артистнриг дакад иртхә гидж сурцхала. Теднә седкә, дур сунъгъх кергтә!

АХ-МАНДЖИН Лага.